

編號 1 號

【路燈著咧】林伯殷原作

臨暗仔，天還異亮，屋脣个路燈就著咧，係無睺較真兜，頭下碼<sup>1</sup>還正經毋知路燈既經著咧，一直愛等到天轉暗，路燈个火正會緊來緊光，正確確實實知自家屋脣个路燈著咧！在暗晡時頭，這盞路燈摺係屋脣个大路箭到<sup>2</sup>光光，摺出出入入个人車照到清清楚楚，逐日食飽夜後，鄰舍會企在路燈下打嘴鼓，共下等垃圾車來；熱天時，屋肚較熱，路燈下自然就變成奈涼、散步个場所，等到寒天時，路燈又變成一蕊光明燈，像人摺係講，睺著佢，燒暖个屋下就到咧！

臨天光，路燈就起勢慢慢行下戲棚，天越光，路燈火就越睺毋著，最尾，連幾時烏忒个也無人知，路燈非常知進退，完全毋會去摺日頭搶光<sup>3</sup>，在日時頭，路燈就在該恬恬等，等夜來个時節做得好好發揮一下。

等到斷烏咧，路燈準時來上棚<sup>4</sup>！摺負責个所在晟到蓬白蓬

光，到久咧，人嗰分路燈縱壞，毋記得佢逐夜就恁認分、恁煞猛，一直愛到有一夜，發覺本旦該光个地方還暗暗，正會知路燈原來有恁好惜。想起偌个老屋，暗晡時屋脣滿遍暗摸叮咚<sup>5</sup>，係無擎火<sup>6</sup>，根本就行無路，毋使想出半步門，不過，就算有擎火行路，該細粒電珠<sup>7</sup>發出弱弱个光，照得路來，驚頭那頂有蜷崎網，照得頭那頂來，又驚蛇哥隨時會從路脣弄出來<sup>8</sup>，毋管自家仰般細心細意，心肝肚還係會驚驚險險<sup>9</sup>，仰當得<sup>10</sup>這下个路燈火，分人恁安心、恁自在！

一支路燈，晟得著光个地方盡有限，毋過，路燈係一支一支連起來，該就做得晟透一隻莊頭、一條街路、一座都市，路燈毋單淨晟透一隻地方，也減少咧日摺夜个爭差<sup>11</sup>，改變咧人个生活，都市肚个公園，暗晡頭還有人練氣功、練跳舞摺運動，大路也還有人行路摺騎自行車，係無路燈，敢有可能？

暗咧！路燈又著咧！偌知路燈會摺當多暗暗个地方照到光，分人方便上下、分人做得安心，偌也知有當多人摺路燈共樣，恬恬在該照透偲俚个社會。

<sup>1</sup> 頭下碼：音 teu ha' ma'；剛開始的時候。

<sup>2</sup> 箭到：音 zien' do'；被光照到。

<sup>3</sup> 搶光：音 ciong' gong'；爭著出風頭。

<sup>4</sup> 上棚：音 shong' pang；上場了。

<sup>5</sup> 暗摸叮咚：音 am' mo' ding dung；天色或環境暗得看不見的樣子，形容一片漆黑。

<sup>6</sup> 擎火：音 kia fo'；拿著手電筒。

<sup>7</sup> 電珠：音 tien' zhu'；燈泡。

<sup>8</sup> 弄出來：音 nung' chud' loi；鑽出來。

<sup>9</sup> 驚驚險險：音 giang' giang' hiam' hiam'；感到驚險可怕的樣子。

<sup>10</sup> 仰當得：音 ngiong' dong' ded'；怎麼比得過。

<sup>11</sup> 爭差：音：zang' ca'；差別。

編號 2 號

【學泅水】徐姿華原作

佢從溜當驚水，小學一年生該下，先生鼓勵大家學泅水，講泅水係當好个運動，身邊个好同學做下學曉泅水咧，逞強个佢毋願輸人，轉去屋下緊嚟阿媽講愛去學泅水。趕避暑，阿媽攞佢尋著一間暖燒水<sup>1</sup>个游泳池，還問著名聲最好个教練來教佢，過買一身靚靚个連身泅水衫分佢，鼓勵佢勇敢學泅水。

第一擺去到游泳池，又驚又好。做好體操，教練帶佢攞另外四個學生練習泅水仔、學換氣；教練攞佢兜一個一個拗落游泳池，佢兜乖乖聽教練指示，攞頭那浸入水竇，佢嚇到拚命扳等游泳池旁脣、腳趔趔毋敢沾著水、抽氣另命、嚟到目汁濫汨，像分人枯毒到當慘樣；脣頭个人做下緊睜佢緊笑，教練緊拐佢，佢還係嚟到失聲、毋肯落水，高不將斯請阿媽攞佢帶轉去。

該暗晡，阿爸好聲好氣鼓勵佢繼續去學泅水；阿媽斯唉唉唧唧啲嘆：「若係毋去上課斯會白白了忒學費，無好退！」阿哥也分享自家學泅水个經驗，還提出佢最愛惜个極樂仔，講愛做佢學會泅水个獎品。在大家个鼓勵之下，佢答應第二日愛再過去上泅

水課。

第二日晨早，阿媽愛載佢去上泅水課，催了催，佢還係三拉拉四拉拉<sup>2</sup>、拖拖擲擲毋肯停動。上課時間睜等就會赴毋著咧，阿媽發闕提出雞毛掃<sup>3</sup>愛修理佢，佢試著當委屈，又驚阿媽打、又驚愛泅水，斯嚟到失聲，歸條巷仔都聽到清清楚楚。鄰舍過來關心，知著佢係驚泅水正嚟到大嬲聲，做下忍等笑鼓勵佢。斯恁樣，該站時間，晨早時巷頭巷尾若係聽著佢又嚟到嬲嬲滾，斯知該日佢又愛去上泅水課咧。

經過三隻禮拜个練習，泅水課个同學一枋一枋學會走咧，同學換了換，佢還係手腳和毋著，手記得划水咧、腳又毋記得蹬水，實在無結煞。有一日，佢自家練習，毋多知，手攞腳合得著咧，泅有五公尺恁遠，心肝肚實在還歡喜啦！佢-續等練習，越來越熟手，手腳越來越省力，膺身也緊來緊輕鬆，第一擺感受著泅水个趣味。

感謝該量時，屋下人个支持攞鼓勵，分佢有機會去面對自家軟弱个所在，這下个佢，毋單淨曉得泅水，也做得迎接人生个各種挑戰。

<sup>1</sup> 暖燒水：音 nun shau<sup>ˇ</sup> fi<sup>ˋ</sup>；溫水。

<sup>2</sup> 三拉拉四拉拉：音 sam<sup>ˇ</sup> lai<sup>ˇ</sup> lai<sup>ˇ</sup> si<sup>ˋ</sup> lai<sup>ˇ</sup> lai<sup>ˇ</sup>；一再推拖不肯就範。

<sup>3</sup> 雞毛掃：音 gie<sup>ˇ</sup> mo<sup>ˇ</sup> so<sup>ˋ</sup>；雞毛撻子。

編號 3 號

【拈田螺】郭亭好原作

當久毋識轉莊下，記得莊下个風特別涼、天特別青。熱天佢撈老妹長透分烈烈个日頭逐去大樹下園，坐在阿爸用粗麻索綯樹枋做个晃槓面，一儕擎一支涼沁沁个枝冰，緊舐冰、緊懸晃槓，共下吹等涼凉个風，樹頂還有歸陣个蟬仔在該「撚撚衣、撚撚衣」，唱等歌仔分佢兜聽，有成時，屋簷鳥、白頭殼<sup>1</sup>也會來鬥鬧熱，毋驚人个膨尾鼠，也會在樹頂上上下下、跳來跳去。

言讀書个佢撈老妹歸日跔等阿公、阿嬪奈，有一日阿公愛去巡田水，問講佢想愛跔佢去拈田螺無？好爽个佢隨應好，老妹也講愛跔。阿公就先蹶上棚嶺个閒間，搨出兩雙細水靴來分佢兩儕換，再過提兩頂草帽分佢兜戴，佢自家也戴等一頂大笠婆。

阿公肩頭擎等鑊頭行頭前，佢撈老妹一儕攞一隻細錫桶跔背尾，兩儕歸路啦歌哩曲當歡喜，阿公笑咪咪安謐佢兜唱个歌還好聽，佢兜也風神到緊唱緊大聲。行到伯公下，脣頭該平洋洋个禾田，斯係阿公耕个田，阿公指等田脣溝肚講：「你兜脛！這位斯有田螺咧，跔等這細溝仔直直去，做得拈當多喔！」阿公言講

煞，老妹斯好擲擲<sup>2</sup>先跳落溝肚開始拈咧！

佢撈老妹相拚脛麼人拈較多，兩儕斯頭擻擻拚命緊拈，驚怕分人追過去，麼人也毋認輸。一下無堵好，老妹个水靴嘎潔落濫泥肚，水靴肚張淦淦个濫泥，老妹想愛掛腳撈鞋擻起來，毋過仰般使力都擻毋起來，還越潔越深，佢大聲喊佢過去撈佢搵手，佢擻等佢个大腳髀，兩儕共下出力，結果鞋無擻起來，兩儕嘎跌到四腳惹天，搥到歸身落潦還合泥棍棍，連面也舞到像烏貓公樣。阿公脛著遽遽行俛來撈佢兜拉跔起來，過用手定定仔撈老妹个水靴擻起來。阿公講：「你這兩個孤盲頭<sup>3</sup>等下轉去，佢斯食若嬾毋燥咧！」

驚分阿嬪罵，轉到屋下佢兩儕偷偷囡囡趕入屋肚去，阿嬪影著兩隻烏貓公轉來咧，好闊又好笑，喊佢兜遽遽去洗浴，撈歸身烏落落<sup>4</sup>个衫褲換下來。該載！好性體个阿嬪無發闊，毋過，還記得該日洗浴洗當久，硬硬會鑪忒一層皮樣，歸身還略略臭泥味，這下佢見脛著田螺斯會過想著這件心色个事。

<sup>1</sup> 白頭殼：音 pag teu kog`；鳥名，白頭翁。

<sup>2</sup> 好擲擲：音 hau` zied zied；極欲表現的樣子。

<sup>3</sup> 孤盲頭：音 go` mo` teu；在此為「好傢伙」的意思。

<sup>4</sup> 烏落落：音 vu` da` da`；髒兮兮的樣子。

編號 4 號

【滿天星】李得福原作

來到屏東姐公个菁園肚，就睭得著一行一行高天天个檳榔樹，聽講二、三十年前，一分地一年做得收成十過萬銀，還愛牽電火掌菁仔，園肚係有火光，賊仔就毋敢來偷割。今這下價數當便宜，正賣頭擺个十分之一，雖然賣毋成錢，姐公還係打理到青溜溜仔，因為菁行之間有加種時計果，做得賣加一息錢。檳榔樹準柱樁，利用廢電線牽棚仔，有紅電線、烏電線、雙股个白片線，邊脣用白片線牽透壟，紅烏電線橫架直架織成三長股<sup>1</sup>个彩色時計果棚。

逐年个三月，春分前後時計果會開花，青花托撐起茄色个花蕾頭，還有牽白鬚个花瓣副花帽；第二層係五皮青黃色个公花，帶等當貴个花粉；最頂高係三支像擰螺絲个活動扳手，又像豬仔个飯匙骨，這係嫲花。佢識睭姐公提一支毛筆，在逐蕊花頂高蘸蘸搵搵當像畫圖樣，佢問：「阿公！你在該做麼个？」佢指等花蕾摺佢講：「佢摺公花个花粉蘸來膏在嫲花个花蕾頂高，恁樣正會打子結果啊！」

<sup>1</sup> 三長股：音 sam<sup>ˇ</sup> chong gu<sup>`</sup>；三長列。

等到棚架懸滄一粒粒青青細果子个時節，企在棚底下睭往上，就像滿天星斗，阿公講佢種个時計果品種就安到「滿天星」。當像佢伸手就摸得著、也摘得著，又乜食得著个星仔呢！

清明過後無異久，時計果就轉烏黝紅，睭啊去，暗紅暗紅無青影就做得摘咧。佢兜姊妹在棚底下，臥頭一隻睭過一隻，慢慢仔相，相著係紅到轉烏色就熟咧，係甜度罇擺斯較無恁酸。摘有半菜籃就遽遽扛去漕入紙箱肚，一輪、兩輪、三輪，等紙箱張到滄滄，就做得載轉高雄冰起來定定仔食。熱天放學後，阿姆會摺時計果洗淨，在蒂頭脣个外皮挖一隻像五十個銀恁大个空，放在水果盤肚，佢兜會提細湯匙定定仔舀來食。正摘啊著个時計果特別甜，佢一下仔<sup>2</sup>就食貳七隻，該味酸藕酸藕緊食緊熱嘴，連鼻空馭出來个氣乜係酸藕酸藕，還帶有時計果个味緒。

阿姆下把仔會摺時計果裡肚个仁摺汁挖出來，加一息冷滾水落果汁機打，再過用盞仔張好放冰箱冰，分佢兜準果汁淋。逐擺係淋這果汁，就會想著在果棚下歸頭那毛雪白，笑到牙西西个姐公。

<sup>2</sup> 一下仔：音 rhid<sup>`</sup> ha<sup>´</sup> er<sup>`</sup>；一下子。

【畜羊仔个叔公】羅瑞霞原作

佢公有兩兄弟，佢兜戴莊肚，叔公戴在離莊頭無幾遠个石礮脣，叔公無討舖娘，一儕人戴在礮脣，畜咧十過條个羊仔。叔公講：「一儕人過日較自由，又毋使愁勞博激，逐日快快樂樂過日仔，幾好呢！」

佢從細斯好遊遊野野，講到爽就一條線，毋過平常時，愛上課、讀書，一日到暗斯國語、數學、英文、社會、電腦，搵到佢春頭磕額、頭暈腦疫，毋過到放棄日，該斯係佢个天下咧！

佢最愛去尋叔公寮，叔公屋下面前係石礮，石礮脣有一大片草，一大早羊仔在礮脣食草，佢見去到，睺著羊仔在該食草，斯會挑挑去逐該羊仔，總愛摻羊仔逐到咩～咩～緊嘍，佢斯試著當心色，該量時，叔公在屋肚聽著羊仔嘍，一定會走出來睺，睺著佢在該逐羊仔，斯罵講：「孤盲子，又在該逐羊仔咧！毋驚下二擺降个細人仔無屎肫。」

佢睺著叔公出來，黏時喊一聲：「叔公，早啊！」叔公雖然會罵佢，毋過乜盡惜佢，因為佢係屋下唯一个孫仔。叔公笑弛弛仔行過來，緊行緊講：「羊仔肚屎枵在該食草，你莫撩佢，落來

屋肚，佢提糖仔分你食。」講著有糖仔好食，這又係佢好來叔公屋下个原因。叔公無家寶，一儕人戴，所以長透有好食个東西就會留起來，等寮日提分佢食。

叔公雖然一儕人戴，毋過屋下整理著淨淨俐俐，桌頂無半點塵灰，完全睺毋出叔公係單身哥仔。佢識問過阿公，仰般叔公無討舖娘？阿公講：「頭擺，叔公有熟事一個戴在莊尾个細阿妹仔，該隻細妹仔生著麻筍麻筍異靚，當煞猛，兩儕感情當好，兩家人乜認定愛做親家、且姆咧，無想著有一日，該隻細妹仔在田肚做事，毋堵好分蛇咬著，該量時醫藥毋發達，偲佢莊下堵著這兜事情，大部份都係自家提草藥捶捶貼貼斯好咧！吉知該隻細妹仔係分龜殼花咬著，無黏時送到街路分西醫睺，就恁樣過身忒。這隻細妹仔死忒對叔公打擊當大，過了後，叔公完全無愛摻其他細妹仔交往，當多人愛摻叔公做媒人，都分叔公拒絕，叔公一儕人斯徙到礮脣戴到今。」

阿公還講：「係有閒，你愛較輒兜去陪叔公哦！」佢也應：「好啊！叔公恁惜佢，摻佢做伴無問題啦！」

編號 6 號

【放蝦公筍<sup>1</sup>】郭亭好原作

禮拜六阿爸帶佢兜共下轉去莊下睭阿公、阿嬪；阿公睭著佢兜轉來當歡喜，老妹盡使妮，一下斯颯去摘等阿公，講佢當想阿公，聽著老妹嘴恁甜，阿公會暢壞咧，嘴笑到嘩嘩滾。在灶下無閒个阿嬪，聽著佢兜轉咧，手還擎等鑊鏢，來毋掣放忒，斯行等出來，手緊掌佢个頭那，笑咪咪講：「兩儕做下抽高也較作肉<sup>2</sup>咧！還好哪！」

睡當晝跣起來，佢睭著阿公在該無閒，用白飯攪糠仔个分佢歸團，過斷做一細團、一細團放入蝦公筍肚，佢講等加下愛去放蝦公筍。佢聽著愛「放蝦公筍」，試著異心色<sup>3</sup>，斯嚟愛跣，頭下碼阿公驚佢危險毋肯，佢就緊摺阿公保證自家會較細義兜，包尾，阿公正肯渡等佢共下去。

溪壩肚滿哪都係生溜苔个石頭，佢試著等著水靴行路當毋慣，行無兩步腳溜一下<sup>4</sup>險險跌倒，該載阿公異流掠，遽遽摺佢揪

等，佢講逐步腳都愛先試躡睭啊，係毋會溜，正好躡上去。佢兜慢慢行到水較淺个位所，阿公教佢蝦公筍愛放在水較恬、又有石縫个所在，佢摺水底个細砂石用手掙平分蝦公筍做得貼地，再過摺蝦公筍个嘴順等水流向往下，放石頭砣在蝦公筍面，講恁樣蝦公筍正毋會分水打走，最尾還愛在脣頭个大石頭面放幾粒細石頭做記號，恁樣收蝦公筍个時節正會知放在哪位。佢兜順等溪壩放蝦公筍，到會臨暗咧，正做下放好勢。

第二日，本來摺阿公講好愛共下去收蝦公筍，佢嘎睡到日頭炙屎肱都還言跣起。阿公自家摺蝦公筍做下收轉來，正喊佢跣起，湊佢共下來退蝦公筍。佢聽著阿公喊，就煞煞跳起來，牙齒儘採鑊兩下斯颯等出去摺阿公搥手。逐隻蝦公筍張著个東西無麼个共樣，退一隻蝦公筍斯像開一到獎，有个張著蝦公、齊口，有个張著老蟹、石斑，成半下還會張著湖鰱，實在還心色。

這兜對鮮鮮溪壩水裡肚來个好食材，有又姜又好食个魚、蝦公還過阿嬪種个青菜，在阿嬪好手路料理之下，變出當晝一盤盤香香个菜，歸張桌十分豐沛，大家緊食飯緊講笑，心情歡喜，試著逐樣菜都恁好食。臨暗佢兜愛轉咧，車正愛駛停動，佢遽遽摺窗門絞下來，大聲喊講：「阿公！下二擺愛放蝦公筍个時節，定著愛記得渡佢共下去哦！」阿公緊搥手，頭那緊領緊應好。

<sup>1</sup> 蝦公筍：音 ha gungˋ ho；用來誘捕溪蝦的竹編小籠子。

<sup>2</sup> 作肉：音 zogˋ ngiugˋ；長肉、生肉。

<sup>3</sup> 心色：音 simˋ sedˋ；覺得有趣、有意思。

<sup>4</sup> 溜一下：音 tiuˋ rhidˋ haˋ；滑了一下。

【大樹下】謝玉賢 原作

記得做細人个時節，厝屋面前有條細溪壩，溪壩肚輒常脛著有幾隻鴨仔在該泗上泗下，成時厝兜細人仔也會跳落水肚，撈鴨仔共下爽水，你庠厝，厝庠你，爽到歸身溼漉漉正轉。毋過，分厝印象最深个毋係該條細溪壩，係溪壩脢个該頭大樹。

該頭大樹，佢个名仔安到「爛布樹」，樹中央係空心个，毋過佢當耐命，逐年正開始熱，樹葉會跌到滿地泥，四叔就蹶到樹頂，撈樹桮剝到淨淨，毋使幾久，爛布樹又會綻筍，樹桮一支一支、樹葉生到榮榮，大樹底下就變成大家唱歌、寮涼个好所在，也係細人仔爽寮个好地方。

大樹下長透坐等一大群人，逐儕都擎等一支扇仔撥啊撥，在該打嘴鼓，七個和尚八樣腔<sup>1</sup>，下屋个阿真叔講厥俵仔愛做兵咧，愁到無結無煞，愁佢做兵毋知會分人欺負無？愁到目汁強強會跌下來咧；上屋个叔姆，就講厥妹仔下禮拜愛嫁人，喊大家分佢請，佢問大家嫁妹仔有麼个風俗無？愛砵男家頭麼个？棗粿愛打

<sup>1</sup> 七個和尚八樣腔：音 cid` gai` vo shong` bad` rhiong` kiong`；形容人多口雜，主張不一致，各有各的說法。

幾多斤？扇仔愛分麼儕拈？渡路雞愛幾多隻？雖然有一大堆个問題，毋過叔姆還係當歡喜，暢到牙西西<sup>2</sup>；厝姆也輸人不輸陣，撈大家報妹仔考著師專咧，加幾年卒業就做得做先生，搵手賺錢咧。大家你一句、厝一句鬧熱煎煎<sup>3</sup>，有人嘍、也有人笑，實在當心色。

大樹下，這片大人在該打嘴鼓，該片个細人也無閒著，細妹仔在大樹下爽份家啦，你做爺仔、厝做哀，爛布子串起來做戩鍊，石頭結起來做風爐，樹葉做青菜，樹桮做箸，大家爽到盡歡喜；細俵仔會在該爽園人尋、打紙牌，有兜爽圓子、灌土狗仔，這兜綻剝頭<sup>4</sup>，逐個精砵砵仔<sup>5</sup>，脛著一團鬆泥就知下背有土狗仔，七手八腳掘泥、攞水、漕水，毋使幾久土狗仔就走出來咧，這群細人仔長透爽到愛大人擎等竹修仔追正肯轉屋下，實在當好笑。

大樹下有厝當多个回憶，係隔壁鄰舍聯絡感情个所在，也係細人仔爽寮个地方。雖然童年離厝當遠咧，毋過童年个記憶還係像在昨晡日樣；該頭根旺葉靚个爛布樹，就像一支大大支个遮仔，保護厝兜行過艱難又辛苦个日仔，該頭堅韌又耐命个大樹，到這下還係厝生命个寄託。

<sup>2</sup> 牙西西：音 nga si` si`；牙齒微露，輕鬆愉快的微笑。

<sup>3</sup> 鬧熱煎煎：音 nau` ngied zien` zien`；形容非常熱鬧的樣子。

<sup>4</sup> 綻剝頭：音 can` dog teu；罵人頑皮鬼。

<sup>5</sup> 精砵砵仔：音 zin` guag guag er`；精明的樣子。

編號 8 號

【該條大崎】黃美貞原作

戴在伙房个人家，出出入入定著愛經過大崎，頭擺在該位有種一大片个香絲樹，所以大崎又安到「香絲坪」。對細人仔來講，出門讀書愛蹶崎係一件異難耐个事，毋過日仔總愛過，久咧斯慣，香絲坪乜變成大家生活个一部分，其中，佢最記得个就係撈阿雪溜大崎，堵著無擋仔个事故。

上屋个阿雪大佢三歲，五年生該下，就自家箭自行車去讀書，上大崎時，佢會企起來煞猛牯箭，到箭毋贏正甘願下來用牽个，佢个書包仔放在車面前个籃仔肚，睺起來風神哎哎<sup>1</sup>，該量時，細人伴都當欽羨佢。有一擺，佢在大崎堵著阿雪，佢講：「佢載你下崎愛無？」佢想著阿姆个吩咐，心肚捱捱捱捱<sup>2</sup>，就講：「毋使！毋使！佢自家行轉去就好咧。」阿雪恃夠夠仔<sup>3</sup>講：「佢日日就溜啊轉，遽又暢快，還過擋線正換新个，愁麼个？」佢用手試撚啊，車仔黏時頓恬<sup>4</sup>，睺起來異妥當，胚想試一擺就

好，阿姆毋會知啦！

跋上車，在崎頂睺啊下去，阿姆哀！腳底撓撓，雞嫲皮緊起，阿雪講：「你會驚係無？」佢毋擔輸贏應佢：「有麼个好驚？」其實佢驚到會死又毋敢講。阿雪吩咐佢扳好來，佢兩隻手揪等阿雪个衫，兩粒目珠眨到繃繃，車仔順順仔溜下去，聽著唧唧滾个擋仔聲，心肝加異定貼，按算加一下仔就到咧。無想著，溜到半崎个時節，擋仔嘎索恬，這時，阿雪放聲喊：「無擋仔咧！這擺就死無命咧！」佢毋知愛仰結煞，斯會跔等阿雪緊喊。

砰聲仔！車仔對對撞著一墩笏竹，佢个目珠擘啊開來，睺著阿雪橫在竹頭下，企毋起來，緊唛緊呻：「還疾喔！還疾喔！」佢自家摸一下溼溼个鼻空，手巴掌全係血，原來係流鼻血咧，該載手腳還做得停動。佢定定仔跋跔起來，顧毋得滿鼻空个血，一路行轉去伙房尋人，好得阿泉叔兩子爺堵好轉夜，奧多拜正頓啊恬，煞煞就兜起廳下个藤椅，三步腳準兩步腳走去撈阿雪扛轉屋下，遽遽打電話請莊頭个魏先生來睺診。阿雪也命靚，淨手腳鑪溜皮定定，毋過可能係嚇著咧，暗晡頭緊發目睡狂<sup>5</sup>，食睡毋得，厥嬭還帶佢去陂塘下个恩主公收驚。

該條溜大崎逞英雄个回憶，久久仔回想起來，心肝窟還會掣一下，雞嫲皮又膨膨起來。

<sup>1</sup> 風神哎哎：音 fung` shin ngai` ngai`；洋洋得意。

<sup>2</sup> 捱捱捱捱：音 ngai ngai ngai` ngai`；猶豫不決的樣子。

<sup>3</sup> 恃夠夠仔：音 shí` gieu` gieu` er`；自信且有把握的樣子。

<sup>4</sup> 頓恬：音 dun` diam`；停止。

<sup>5</sup> 發目睡狂：音 bod` mug` fe` kong；失去理性，舉止狂烈、異常，或指做惡夢。